

松陽縣志卷之十

兵制志

兵防紀事

武功

兵者國之大事先王不得已而用之者也方今車書一統六合順軌無兵自固然居安防危有備無患况松僻在山阿寄籍人繁防衛之方所宜急講若其控制有術烽燧無警安堵之休賴干城之才一邑實式憑焉志兵制

兵防

松邑原制駐防把總一員

續設副防外委把總一員原設在城協防於乾隆二

松陽縣志

卷之十

兵制

一

十八年四月奉委移駐舊市鎮分防

在城及舊市共設戰守兵丁三十九名內戰兵十名守

兵二十九名

舊志載額設戰守兵丁共一百名計在城一都戰守

兵五十二名二都水車塘守兵二名三都非通衢無

塘四都平田塘守兵二名五六七都無塘八都舊市

塘外委一員守兵十五名九都至十二都無塘十三

都白巖汛守兵五名十四至十九都無塘二十都石

倉汛守兵十名二十一都無塘二十二都五尺口塘

守兵 名二十三都裕溪塘守兵三名二十四都淨

居塘守兵二名二十五都無塘二十六都堰頭塘守兵五名茲查乾隆三十三年以後奉裁八折存兵八十名旋又裁存六十四名道光二十二年又裁存五十三名同治五年減兵加餉案內又照舊額裁減四成七年兩次收標共收戰守兵丁三十九名內松陽汛駐二十九名舊市汛駐十名

糧餉兵米

戰兵每名每年餉銀叁拾兩月支米六斗小建扣二升守兵每名每年餉銀拾捌兩米同戰兵

舊志載戰餉每名年給銀拾捌兩守餉每名年給銀

拾貳兩均月支米三斗扣小建同治五年改給今數戰糧兵丁向無定額凡空闕處在於處鎮右營標下

松遂宣三邑之守兵內有技藝嫻熟者聽侯考選

駐防衙門一所在縣治之東鐘樓下明德坊

協防衙門一所在舊市

以上於咸豐八年匪擾焚拆

營房墩臺共九處

堰頭塘營房墩臺一座

淨居口塘營房墩臺一座

裕溪 營房墩臺一座

五尺口塘營房墩臺一座

水車塘營房墩臺一座

縣邸東門外墩臺一座

石倉塘營房墩臺一座

白巖塘營房墩臺一座

平田塘營房墩臺一座

教場在南門外赤塔埠嘉慶間水冲移在北門外

松陽縣額設民壯一十四名內

弓箭手五名

鳥鎗手九名

松陽縣志

卷之十

兵制

三

所有民壯一應旗幟器械俱於備公銀內置辦齊全

武功

宋

葉再遇少從軍江淮間累立戰功得官由淮東安撫使
入爲殿前步帥

元

周明字思誠好義敢勇智力超羣性至孝元末山寇作
亂明率鄉人勦捕盡擒之於是邑民俱獲以安故邑
中長幼咸呼爲千戶後壽終於家

明

吳亨字吉性倜儻尚節義明初浙東副元帥石抹公募民有義者築城防捍亨出私財築處州左渠城墻洪武十四年縣西橫源山民爲亂縣帖下亨率鄉人逐捕其黨閭里咸賴以安又出資造船於本縣金梁烏石二渡以濟行者鄉人至今稱之

周德閻字漢傑通書史精武畧值元季寇亂屢率子弟保障鄉邑明師下括蒼辟德閻守禦處州復合軍數萬東取甌城累立奇功論功不受退休家居捐資築白龍堰灌東鄉田數百頃人享其利

季子雯以捕温州寇有功陞進義校尉温州府永嘉縣

松陽縣志

卷之十

兵制

四

縣丞

王憲繇武舉授承節郎監廬州巢湖兼烟火事

葉進仲繇義兵任處州衛百戶男葉文陞江淮衛指揮

僉事

陳滋以有功陞爲義兵千戶終防禦鎮撫

周悅繇義兵任江南宣武衛鎮撫

季才冠繇較尉任大甯前衛千戶

葉崇安繇較尉任大甯前衛千戶

吳子永繇較尉任大甯前衛千戶

周宗續典仗任大甯前衛千戶

劉巨孫繇較尉任大寧前衛千戶

徐仲繇義勇任山西平陽衛鎮撫

包臻繇義兵任羽林衛所鎮撫

葉富繇水軍任百戶陞陝西平涼衛中所副千戶

趙仲善任南陽衛前所千戶

陳蘭芳繇較尉任大同衛千戶

項禮繇義兵任大同衛百戶

劉仲真任廣東碣石衛百戶

周子春繇較尉任晉府儀衛司典仗

李叔良繇較尉任晉府儀衛司典仗

松陽縣志

卷之十

兵制

五

潘克蘊繇較尉任靖江府儀衛司典仗

徐志道字伯正少懷奇氣補訓術時藩臬重臣多奇其

才畧正德初彭蠡盜王浩人據江西姚源洞上命御

史俞公諫討之推志道爲率長練士多整齊所歷州

縣無不求援於公公戰無不捷紀功第一叅將王公

薦於上初擬爵公以指揮使時軍功濫弛志道馳歸

不及面對大司馬僅授處州衛百戶都御史復上其

功不報

周鳳鳴號東田以文學而長於武備由賓貢授安仁訓

導時賊盤結鄧埠廣寇流劫玉山大中丞胡公廉知

之委以掌兵翊戰上方練師鄱陽而賊不敢侵胡公
上其績於朝擢國子學正士民思之勒石於學宮所
著有東田集

詹守之字長卿叅政公之裔痛念祖父遺跡獨任家事
延名師課弟定之宗之咸有名膠序居恒嫺韜畧智
勇過人以當事薦授處州衛指揮使

國朝

葉茂青堰頭人精騎射善拳棒格鬪以武生入營拔補
把總歷任舊市碧湖等汛

葉士標係茂青子生平精醫理以行伍補外委陞把總

松陽縣志

卷之十

兵制

六

署黃村口千總

葉廷芬項弄人以武舉入營歷署麗松等汛補授處標

右營千總

賞加守備銜署本標守備

項宗邦岡後人以武舉掣授 兵部差官

潘志昌以武生保授外委歷署麗水舊市等汛蒙

憲賞五品頂戴

王兆鼈以武生入營署宣平汛

楊志和以軍功保授把總署宣平雲和等汛

詹思修以軍功保授守備

賞戴花翎署處標右營守備

徐應龍以武生入營署雲和汛

丁榮庚以軍功保授游擊

賞戴花翎

丁延明以軍功保授游擊

賞戴花翎

紀事

宋

宣和三年方臘陷處州寇松陽尋攻青田燒燬縣治儒學官民廬舍殆盡童貫等合兵擊之韓世忠擒臘誅之

松陽縣志

卷之十

兵制

七

餘黨悉平

時童貫等合兵繫臘於幫源洞臘衆尙二十萬與官軍力戰而敗深據巖屋爲三窟諸將莫知所入王淵裨將韓世忠潛行溪谷間野婦得徑卽挺身仗戈直前搗其穴臘就擒餘黨悉平

青溪賊首洪載據松陽縣丞梅溶死之

時賊肆行刼掠郡縣嚮應據松陽溶率衆戰死有鄉民葉淳葉天麟父子鳩兵邀擊出境卒賴以安

元

至正十七年五月縉雲松陽遂昌麗水青田亡賴各嘯

聚爲盜石抹宜孫胡深討平之

縉雲黃村松陽白巖村遂昌大社村麗水浮雲泉溪
村各羣聚刦掠勢甚猖獗以石抹宜孫爲行樞密院
判官鎮處州旣至置胡深行軍都事深攻泉溪拔其
寨浮雲亦敗白巖賊懼遂降黃村賊望風遁去深移
師攻大社賊首周天覺方友元傾其精銳迎戰深分
部接戰伏奇兵夾擊之別遣遊擊入山搜其伏匿賊
大敗斬首數十級生擒八百人獲方友元梟其首周
天覺降乘勝移兵討青田賊黨金德安殺潘惟賢兄
弟以降

松陽縣志

卷之十

兵制

八

明

永樂二十二年龍游柯山賊亂刦掠郡縣勢逼松陽士
女逃奔鎮撫陳滋帥官兵勦平之

時賊勢猖獗東南震動所過遭其殺戮剽掠至松陽
縣境人民皆逃匿縣治幾爲所據陳滋統所部兵出
擊繼官兵四至合力併戰賊潰敗遂勦平焉

國朝

順治三年六月故明督撫田仰全勲鎮方國安等標下
兵入處州散處鄉城大掠男婦皆逃匿

時江東糧盡兵自內潰田仰兵尙萬人方國安標下

方國泰屠埒鰲等各兵俱不下數千乏食需索掠人家產甚者網綁獻銀始免民苦之逃匿殆盡

四年十月賊首洪舜等倡亂攻城游擊劉登瀛等分兵禦之圍解

十一月賊首洪舜復率衆犯松遂屯松之石倉源牛頭山等處游擊劉登瀛勦之擒洪舜寇平

六年八月賊首周君秀王大頭等作亂刦掠屯踞石倉源均溪羊山等處游擊劉登瀛黑夜攻破山寨寇散地方遂平

征勦歸城士民頂香接入各宰猪羊犒勞官兵遮道

松陽縣志

卷之十

兵制

九

迎送至堰首而歸

八年八月賊首王應舉聚衆焚掠游擊劉登瀛督兵進勦於梅藤二村賊大敗應舉逃去大陰源頭地方遊擊劉登瀛沿路勦捕直至青田應舉計窮遂降地方獲安石倉一帶居民遠逃及見應舉獲降各歸家耕織安堵如舊

康熙十三年五月閩地耿逆據叛遣僞帥徐尙朝等陷龍泉隨陷遂昌松陽雲和景甯等縣十五年八月官兵雲集以次蕩平民始安堵

四十八年二月有閩匪彭子英等潛伏石倉桑嶺根爲

亂經金衢溫處四郡官兵會勦悉平

閩匪彭子英潛伏石倉桑嶺根招集匪類爲亂經石倉鄉保報縣差捕役潘選顏慶往探賊覺誘役三人殺之復移據石倉蔡宅外社等處擾湯文雄率鄉勇禦之賊走雲和七地方過白巖犯遂昌界千總張君聘帶兵尾其後遇於大柘張千總被傷金百總挺身赴鬪死之分巡溫處道高公檄溫處金衢四府官兵及鄉勇勦之其黨於遂昌之坳頭嶺各處鄉勇據險以守賊窘土人吳時科生縛子英械之越月悉平

松陽縣志

卷之十

兵制

十

咸豐八年三月髮賊由衢州至遂昌二十三日竄抵松邑知縣張士超防堵界首戰敗死之增生周廷珪武生周廷監生劉萬恩等同時遇害賊遂長驅進城教諭徐鶴振全家殉節六月初一日北鄉義勇約會遂邑民團力圖克復武舉李祥明武生李向榮等沒於陣賊因傷亡甚多亦卽遁往處郡初七日又有石達開股下由郡回竄至十九日官軍民勇合力防勦賊於是夜向龍泉而去知縣張師呂來辦撫卹焉咸豐十一年五月十一日髮賊由龍游之溪口直竄松邑午後城陷處州府李希郊邑紳葉維藩戰於堰頭

死之賊衆盤踞年餘蹂躪益甚其時鎮軍林文察屯
兵界首屢次接仗賊勢尚銳十一月十四日知縣李
作幹遇害同治元年三都下田莊葉芳 邀集城紳
饒慶霖等設局練勇保衛各村有鎗手楊致和技藝
純熟每發必斃數人賊不敢至旋探悉城內賊首許
應奎譚星等意見不合卽購募竊賊五名約期進城
放火一面率領團勇會合官兵奮力攻勦六月十九
日賊盡由宣而遁松邑自此肅清知縣何仁杰入城
到任曾元福袁良諸鎮軍亦於次年春凱旋赴閩矣